

nalunaerutit - Grønlandsk Lovsamling

Serie C-I

27. MAJ 1993

Afsnit 4, gruppe 1

lb.nr. 37

Isumaqatigiissut

Ilaquttat qanigisat napparsimallutik perulutsillugit aamma/imaluunniit toquneranni aamma ilisaaneranni akiliunneqarluni angalasinnaatitaaneq aamma sulinngiffeqarsinnaatitaaneq pillugit isumaqatigiissut.

Kalaallit Nunaanni Naalakkersuisut aamma Tjenestemænds og Overenskomstansattes Centralorganisation (TOC/NAK) i Grønland akornanni, Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut Inatsisaat nr. 5, 14. maaji 1990-imeersoq tunngavigalugu, ilaquttat qanigisat napparsimallutik perulutsillugit aamma/imaluunniit toquneranni aamma ilisaaneranni akiliunneqarluni angalasinnaatitaaneq aamma sulinngiffeqarsinnaatitaaneq pillugit imaattumik isumaqatigiissuteqarpoq.

§ 1

Tjenestemandit ilaquttaminik qanigisaminik napparsimasunik peruluttoqartillugu aamma/imaluunniit toqusoqartillugu aamma ilisaasoqartillugu qinnuteqarenermikkut akiliunneqarlutik angalasinnaatitaaneq aamma/imaluunniit suliffimmini sulinngiffeqarsinnaatitaaneq angusinnaavaat, ilaquttamik qanigisamik Kalaallit Nunaani imaluunniit Danmarkimi najugaqarfianut/napparsimavimmi il. il. uninngaffianut ornigunnermini aamma uterlutik angalanerminni.

Imm. 2. Uani isumaqatigiissummi ilaquttat qanigisatut isigineqartut tassaapput: Angajoqqaat, katissimallugit aapparisat aamma taamatut nalilerneqartut, qitornat aamma qatanngutit, kisianni katissimallugu aapparisat aamma taamatut nalilerneqartup ilaqtai pineqanngillat.

§ 2

Ilaquttap qanigisap napparsimanerani akiliunneqarluni angalanissamut aamma/imaluunniit sulinngiffeqarissamut qinnuteqaammut sapinngisamik nakorsamit allagartaq ilanngunneqassaaq, allagartami ersersineqassaaq napparsimasoq ima perulutsigisoq nalinginnaasumik ilaqutaasut aggersarneqartariaqarlutik. Nakorsamit allagartaq aallannginnermi pigineqanngippat taanna suliffimmut utereernerup kinguninnguatigut tunniunneqassaaq.

§ 3

Matuma kinguliani aalajangersakkat tunngavigalugit suliffeqarsinnaatitaanermut akuersissuteqartoqartillugu angalanermut piffissaq atorpeqartoq nalinginnaasoq ilanngunneqassaaq.

§ 4

Ilaquttap qanigisap perululluni napparsimanerani akiliunneqarluni angalasinnaaneq aamma ulluni 8-ni sulinnigiffeqarsinnaaneq akuersissutigineqassapput. Sulisoq ilaqtutami qanigisami najugaqarfianiitillugu/napparsimavimmi il. il. uninngaffianiitillugu qanigisaa toqukkut qimaguppat sulinnigiffeqarsinnaatitaaneq ullunut 14-inut sivitsorneqassaaq.

§ 5

Ilaquttap qanigisap toqukkut qimagunnerani aamma ilisaanerani akiliunneqarluni angalasinnaaneq aamma ulluni 8-ni sulinnigiffeqarsinnaaneq akuersissutigineqassapput. Nalinginnaasumik angallannermi ilimaginngisanik akornuteqartoqartillugu ilisisoqarnerani peqataasinnaanngitsoqarpat – qatanngutaasoqarpat imaluunniit angajoqqaarpat – akiliunneqarluni angalasinnaaneq aamma ulluni 8-ni sulinnigiffeqarsinnaaneq akuersissutigineqassapput. Qatanngutaasoqanngippat imaluunniit angajoqqaanngippat, taamaallaat akissarsiat pigiinnarlugit ulluni 8-ni sulinnigiffeqarsinnaaneq akuersissutigineqassaaq. Angallannerup nalinginnaasumik aamma assigiimmik pisartumik (s. a. piffissami aalajangersimasumi) unitsinneqanera ilimaginngisamik akornusersuinertut isigineqarsinnaanngilaq.

§ 6

Tjenestemandip illoqarfimmi/nunaqarfimmi suliffeqarfigisaani ilaqutaq qanigisaaq napparsimalluni peruluppat aamma/imaluunniit toqukkut qimaguppat aamma ilisaappat taamaallaat ulluni 8-ni sulinnigiffeqarsinnaatitaaneq akuersissutigineqassaaq.

§ 7

Toqukkut qimagussimasup pigisaasa kingornussassanik suliarinninnissamut piareersarnermut peqataanermi taamaallaat ulluni 8-ni akissarsiat ilanngaatilugit sulinnigiffeqartitsisoqassaaq. Kingornussassanik suliarinninnerup ajornakusoornera pissutigalugu peqataasariaqarneq uppersarnerqarsinnaappat, ulluni 8-ni akissarsiat pigiinnarlugit sulinnigiffeqartitsisoqassaaq.

§ 8

Pissutsit immikkut ittut pineqarpata qinnuteqaateqareernikkut piffissami siviisunerusumi sulinnigiffeqartitsisoqarsinnaavoq.

§ 9

Akiliunneqarluni angalasinnaanermut aamma sulinngiffeqarsinnaanermut qinnuteqaatit sumiiffimmi suliffigisamut tunniunneqassapput.

§ 10

Isumaqatigiissut manna 1. aprili 1993 aallarnerfigalugu atuutilersinneqarpoq.

Nuuk, ulloq 27. maaji 1993

Tjenestemænds og Overenskomstansattes
Centralorganisation i Grønland (TOC/NAK)

atsiorneqarpoq

Kalaallit Nunaani Naalakkersuisut
e. b.

atsiorneqarpoq

Matumuuna Nal. C-I 4-1-31 atorunnaarpoq